

**SENWES BEPERK - ZXSW**

**ISIN NOMMER: ZAEZ00000018**

(Geïnkorporeer in die Republiek van Suid Afrika)  
(Registrasienuommer 1997/005336/06)

(gesamentlik hierin verwys as die "**Senwes Groep**")



**SENWESBEL BEPERK - ZXSWB**

**ISIN NOMMER: ZAEZ00000026**

(Geïnkorporeer in die Republiek van Suid Afrika)  
(Registrasienuommer: 1996/017629/06)



**KLK LANDBOU BEPERK**

(Geïnkorporeer in die Republiek van Suid Afrika)  
(Registrasienuommer 1997/015589/06)  
("KLK")

---

**VERHOGING VAN DIE KOOPPRYS SOOS VAN TOEPASSING OP DIE ALGEMENE AANBOD**

---

Aandeelehouers van KLK ("**KLK Aandeelehouers**") word verwys na die aankondiging van KLK op 18 Desember 2018 ten opsigte van die vaste voorneme van die Senwes Groep om 'n aanbod aan KLK Aandeelehouers te maak, soos omskryf in daardie aankondiging ("**Senwes Aanbod**"), sowel as die aankondiging van 21 Februarie 2019 wat handel met die terugvoer oor die stand van die Gesamentlike omsendbrief en die uitstel wat deur die Paneel verleen is vir die pos daarvan aan KLK Aandeelehouers ("**KLK Aandeelehouers**") tot 29 Maart 2019.

KLK Aandeelehouers word hiermee in kennis gestel dat, in terme van Regulasie 104(2) van die Maatskappyregulasies, 2011, die KLK Onafhanklike Raad onlangs 'n skriftelike kennisgewing van die Senwes Groep ontvang het wat bevestig dat –

1. Die Senwes Groep besluit het in terme van regulasie 104 van die Maatskappyregulasies, 2011 om die vergoeding betaalbaar in terme van die Senwes Aanbod **te verhoog** na 'n kontant koopprys van **R19.50** per KLK aandeel (voorheen **R18.50**), en/of KLK aandele te ruil in enige kombinasie vir **1.5** Senwes aandele vir elke KLK aandeel en/of **2** Senwesbel aandele vir elke KLK aandeel (voorheen **1.4** en **1.8** onderskeidelik).
2. Die Senwes Groep het ook afstand gedoen van die reg, soos voorheen voorbehou, van die vorige voorwaarde dat ten minste 20% van die KLK Aandeelehouers die Aanbod moet aanvaar alvorens dit bindend sou word. Gevolglik is die voorwaarde nie meer van toepassing nie en is die enigste ander oorblywende opskortende voorwaarde dat die Senwes Groep die nodige regulatoriese toestemmings vir die Aanbod verkry.

Die Senwes Groep beskik oor voldoende gemagtigde aandele om ten volle uitvoering te gee aan die betaling en uitreiking van die verhoogde vergoedingsaandele op die basis soos hierbo uiteengesit.

Vir doeleindes van Regulasie 114(4), word dit bevestig dat die Senwes Groep die Oornamereguleringspaneel ("**die Paneel**") voorsien het van 'n aangepaste waarborg van Absa Bank Beperk vir die volle verhoogde kontant koopprys wat betaalbaar kan wees in terme van die Senwes Aanbod.

Behalwe vir die verhoging van die aanbod vergoeding, soos hierbo uiteengesit, bly die Senwes Aanbod, soos uiteengesit in die vaste voorneme en die opgedateerde aankondiging, soos hierbo na verwys, onveranderd. Die Senwes Groep en die KLK Onafhanklike Raad is in die proses om die Gesamentlike Omsendbrief te finaliseer ten opsigte van die verhoogde Senwes Aanbod en sodanige omsendbrief sal aan KLK Aandeelhouers gepos word teen nie later as Vrydag, **29 Maart 2019** nie (of sodanige latere tydstip as wat die Paneel mag toestem).

Die opgedateerde aanduidende tydtabel vir die Senwes Aanbod en die implementering daarvan sal in die Gesamentlike Omsendbrief uiteengesit word.

In soverre dit verband hou met KLK, aanvaar die KLK Onafhanklike Raad individueel en gesamentlik volle verantwoordelikheid vir die akkuraatheid van die inligting vervat in hierdie aankondiging en verklaar dat, na die beste van hul kennis en wete, die inligting hierin vervat waar is en dat hierdie aankondiging nie enigiets uitgelaat het wat moontlik die belangrikheid van hierdie inligting kan affekteer nie.

In soverre dit verband hou met Senwes, aanvaar die Senwes direksie individueel en gesamentlik volle verantwoordelikheid vir die akkuraatheid van die inligting uiteengesit in hierdie aankondiging en bevestig dat, na die beste van hul kennis en wete, die inligting hierin uiteengesit waar is en dat hierdie aankondiging nie enigiets uitgelaat het wat waarskynlik die belangrikheid van hierdie inligting sal beïnvloed nie.

In soverre dit verband hou met Senwesbel, aanvaar die Senwesbel direksie individueel en gesamentlik volle verantwoordelikheid vir die akkuraatheid van die inligting uiteengesit in hierdie aankondiging en bevestig dat, na die beste van hul kennis en wete, die inligting hierin uiteengesit waar is en dat hierdie aankondiging nie enigiets uitgelaat het wat waarskynlik die belangrikheid van hierdie inligting sal beïnvloed nie.

KLK Aandeelhouers word vervolgens aangeraai om omsigtig handel te dryf in die maatskappy se aandele totdat 'n verdere aankondiging in die verband gemaak word.

*In opdrag van die onderskeie direksies van die Senwes Groep en die Onafhanklike Raad van KLK.*

**JPN Stander (Mnr)**  
**VOORSITTER VAN DIE KLK ONAFHANKLIKE RAAD**  
**UPINGTON**  
**11 MAART 2019**

**EM Joynt (Mev)**  
**Tel no. (018) 464 7104**  
**MAATSKAPPYSEKRETARIS**  
**AANGESTELDE ADVISEUR VAN DIE SENWES**  
**GROEP**  
**KLERKSDORP**  
Vir aandele verhandeling in die Senwes Groep verwys na ZARX, die gelisensieerde beurs waarop die groep genoteer is: [www.zarx.co.za](http://www.zarx.co.za)